

Carácas d. 22 julii, unicum specimen.

Caput basi pronoti vix magis quam $\frac{1}{6}$ angustius, verticale, ab antico visum latitudine frontis parum longius, vertice oculo circiter triplo latiore, a latere visum altitudine multo brevius, fronte sat convexa, clypeo leviter prominente, genis oculis aeqve altis. Oculi laeves, exserti, leviter retrorsum vergentes, a latere visi leviter oblongi. Antennae articulo primo lineari, latitudine verticis circiter $\frac{1}{3}$ brevior, secundo primo paullo longiore, ultimis gracilibus, simul sumtis primis aeqve longis. Pronotum latitudine basali circiter $\frac{3}{7}$ brevius, creberrime tenuissime punctulatum, pubescens, lateribus medio late sinuatis. Hemelytra crebre subtiliter punctulata, lateribus sensim sat ampliata, medio basi pronoti distincte latiora. Pedes breviusculi. Tibiae omnium brevissime pubescentes, muticae.

3. *Pycnoderes incurvus* (Dist.). *Ecclitotarsus* id. Dist., Biol. Centr.-am. p. 285, 8, T. XXVI, f. 19.

Los Trincheres, duo specimina.

Distr. geogr.: Mexico, Guatemala.

Haec species a *P. quadrimaculato* Guér. e Cuba, cujus specimen typicum in Museo Vindobonensi asservatur, tuberis pronoti sat multo altioribus divergit.

4. *Pycnoderes (Arsinotus) albicornis* n. sp. (Fig. 2).

Niger, nitidus, hemelytris opacis; antennis totis, rostro, pedibus cum coxis, limbo corii laterali dilatato (embolio) ultra medium guttaeque ejus antepicali nec non cuneo, angulo interiore excepto, albis. Long. $2\frac{1}{2}$ mm.

La Moka, duo specimina.

Species parva, sed scitula. Caput basi pronotum circiter $\frac{3}{5}$ angustius, ab antico visum latitudine cum oculis fere paullo longius, infra oculos longe rostrato-productum, vertice oculo circiter duplo latiore; a latere visum altitudine fere duplo brevius, verticale, fronte sat convexa, subtiliter punctata, foveola medio destituta, clypeo sat prominente, leviter arcuato, basi a fronte incisura discreto, angulo faciali recto, genis oculis aeqve altis, gula brevi, erecta. Oculi fuscii vel albi. Antennae